

Ministro Booi a entrega retiro

AD'86 no ta forma parti mas di coalicion

Gobierno a bira demisionario



ORANJESTAD(AAN) -- Durante un conferencia di prensa AD'86 a participa cu nan no ta forma parti mas di coalicion.

Arturo Oduber, persona cu ultimamente tabata hopi den noticia, a elabora ariba loke DIARIO a publica esta cu "AVP su buchi a yena".

Segun Oduber e reaccion di AVP ariba e pregunta di garantia pa un proyecto a bin den forma di dissolve Staten y cu Gobierno ta keda.

Dia 18 di October 1988 a bin un "landsbesluit" por escrito pa Staten cu ta bisa cu mirando e desaroyo politico, tin duda den representacion di Staten. A worde dicidi cu ta tene eleccion

dia 6 di Januari 1989, ta entrega lista dia 17 di November 1988, Staten actual lo keda funciona te dia 6 di Februari 1989 y dia 7 di Februari Staten nobo lo sinta.

Oduber a enfatisa cu AD'86 su punto di vista ta cu pa medio di eleccion pueblo lo mester huzga si e pregunta encuanto garantia pa proyectonan Arubano mester worde duna.

Segun Oduber, e manera cu AVP a tuma e decision ta menos elegante ya cu no a consulta cu coalicion, no a consulta cu Ministro di AD'86 cu tabata den exterior.

Oduber ta considera e decision di Prome Ministro Eman como falta di respet pa

coalicion, falta di respet pa su propio miembronan di Staten, falta di respet pa e temporada di paz di fin di aña, falta di respet pa e pueblo Arubano ya cu esaki ta bay crea polemica.

AD'86 no tin nada contra di eleccion pero e manera cu a presenta e "landsbesluit" no ta acceptable. Segun Oduber e procedura aki ta un oportunismo politico premedita. Esaki ta pone e democracia na Aruba den peliger ya cu AVP kier haya poder absoluto na Aruba.

Esakinan tabata e motibonan cu AD'86 a dicidi di retira sosten na Ministranonan di AVP pa medio di su parlamentarionan Arturo Oduber y Servito Thijssen y cu Ministro Drs. Frank



REGERING VAN ARUBA

Aan Zijne Excellentie
de Gouverneur van Aruba
ALHIER

Uw brief:

Ons kenmerk:

Oranjestad,
24 oktober 1988

Excellentie,

Hierbij moge ik Uwe Excellentie berichten dat ik besloten heb mijn functie als Minister met onmiddellijke ingang neer te leggen.

Ik moge Uwe Excellentie in dit verband verzoeken mij ingaande genoemde datum als zodanig ontslag te verlenen

Inmiddels verblijf ik,

met de gevoelens van de
meeste hoogachtting,

Minister van Publieke Werken
en Volksgezondheid
Drs. F.A.J. Booi

Booi a entrega su retiro como
Ministro di inmediato.
Ayer 3'or di atardi Drs.

Frank Booi a entrega su retiro.
DIARIO a ricibi copia di e
carta cu ta papia pa su mes.

Promer Ministro Eman:

Gobierno tabata anticipa retiro di AD'86



ORANJESTAD(AAN) -- Despues cu Drs. Booi a entrega su retiro como ministro, DIARIO a drenta den contacto cu Prome Ministro Eman kende a duna di conoce cu enberdad nan a ricibi un carta di miembronan di AD'86 cu ta bisa cu nan no ta sostene e Ministranonan di AVP den Gobierno.

E decision aki segun Prome Ministro Eman no ta un sorpresa ya cu nan tabata spera algo asina. E hecho aki lo no tin consecuencia pa e proceso di eleccion. Segun Prome Ministro Eman, pronto Ministro Booi lo haya su retiro y esaki ta significa cu Gobierno ta keda demisionario.

Segun Prome Ministro Eman, nan a anticipa un reaccion asina di AD'86 y pesey ta contento cu tur local mester a worde haci pa segura un proceso sano di Aruba a worde haci.

Prome Ministro Eman a enfatisa cu nan esta Gobierno no ta di acuerdo cu loke a pasa pasobra esaki no ta un cos normal.

Sin embargo den un caso aki por a spera algo asina mirando e ultimo acontecimentonan cu

a tuma lugar.

Prome Ministro a señala cu Gobierno tin motibonan funda cu Staten no ta representable. Esaki ta basa na e cambionan den e partidonan politico cu a tuma lugar.

Segun Prome Ministro Eman, no a dissolve Staten den pasado pasobra e no ta haya ta responsable pa den un tempo di crisis na Aruba haci esaki. Sin embargo awor cu e desempleo a baha bao di 5 % y cu e economia ta creciendo, awor si ta responsable pa tene eleccion.

Pa loke ta trata e acusacion di AD'86 cu no a consulta cu nan, Prome Ministro a enfatisa cu den pasado a anuncia e partnernan den coalicion cu AVP ta bay adelanta eleccion, pero no a duna e fecha cu esaki lo tuma lugar.

Ministro Croes:

Gobierno demisionario ta sigui funciona

Otro Ministro lo tuma e cartera di Drs. Booi over

ORANJESTAD(AAN) -- Ministro Croes a duna di conoce na DIARIO cu e entrega di retiro di Ministro Croes ta algo cu nan tabata spera.

Debi cu tabata anticipa cu Gobierno lo bira demisionario, tur local ta di importancia a worde manda Staten y awor ta den tratamiento.

Ministro Croes a remarca cu un Gobierno demisionario por sigui funciona cu trabaoan diario di gobernacion. Segun Ministro Croes Gobernador a pidi pa Gobierno keda pa regla e trabaoan di rutina te cu eleccion.

Loke por spera awor aki ta cu



e cartera di Booi ta worde ocupa pa un otro Ministro.